

四庫全書

史部

欽定四庫全書

史部

福建通志卷五十八

詳校官監察御史_臣陳化龍

檢討_臣德生覆勘

總校官檢討_臣何思鈞

校對官中書_臣汪墉

謄錄監生_臣曹錫齡

欽定四庫全書

福建通志卷五十八

列女五

建寧府

南唐

練夫人名寓浦城人章仔鈞妻主而肉髮深沉端毅終

日不一言笑仔鈞任閩為行軍招討使王審知

使屯兵縣之西巖南唐盧將軍以兵來侵仔鈞遣二

校請師於州失期將斬之夫人勸得免二校逸入南

唐皆為大將即邊鎬王建封也南唐遣查文徽伐閩

取建州鎬為行營招討建封為先鋒克之時仔鈞歿

已久獨夫人存二校遣使送金帛遺以白旗曰吾欲屠城夫人宜植旗於門已戒士卒勿犯矣夫人還其旗併金曰君幸念舊德顧全此城必欲屠之吾家與俱死耳二校感其言遂止曰夫人之仁使鬼為人後寓子十五人孫六十八人多躋貴顯人以為全城之報寓二十世孫存道求遺像學士宋濂贊之

宋

曹氏

建安人曹脩古女明道中脩古知興化軍卒貧不能葬吏民贖錢五十萬女哭曰先君以清節立朝

不幸終於貶所今臨財苟得尚何面目見先君耶旦夕哭泣惟中趣侍歸吏民慙罷

張氏

浦城人章惇妻惇之入相也張病且死囑之曰君作相幸勿報怨張歿惇語陳睢曰惇亡不堪摧曰

與其為無益之悲孰若念臨絕之言惇無以對

沈氏

章甫妻浦城人治家有節度甫謀度簡遠不問生

事然以羈旅起家閭門千指有宅以居有田以食
皆沈力也自政和以來仕進者多事攀附沈戒其子
曰宜安素分遠迹權門盜賊且起無遠宦以貽吾憂
諸子奉教卒以無
患聞者服其遠識

呂宜人

游酢妻建陽人有賢行事舅姑以孝聞酢素貧
不治生產宜人攻苦茹淡能宜其家友娣姒睦

姻族
無間言

祝氏

建陽人朱松妻事舅姑孝謹松卒子熹年十四辛
勤撫教俾知向學熹貧病困蹙人所不堪而祝處

然之
怡

虞氏

名道永建陽人江錡妻本劉氏女虞恫哭而撫之
少聰明識義理長歸錡舅姑年甚高禮法峻整道

永左右無違凡調餽烹飪之事既躬服其勞薪火之節謹候視敏給稱微指既進饋退側立踧踖以聽唯恐少不中度陰儲治饌備更索雖亂離之絕必多方營致錡任宣教郎歿時諸子皆幼道承以禮法持門戶錡從官時先疇之入恣兄弟衣食無所間既歿命諸子悉推與之虞悃老且失子道永歸養益謹送其終哀戚甚不沐浴鹽酪者三年性喜觀書讀易論語得其大意下至鍊養醫藥卜筮術數無不通曉平居處事詳密鎮密與人言必依孝弟忠信晚學浮屠法屏替珥卻酒肉布衣蔬食以終其身

陳氏

建陽人周瑄妻父安世強學博大嘗立義齋縣南從學甚衆陳少喪親哀慕不懈及嫁亦不逮舅姑

歲時烝享執事必親訖事常鳴咽流涕晚好浮圖法得其大指遂不復問家事惡衣菲食逾二十年憂人之憂賑其阨窮病苦極力不倦子明仲舉進士知光澤縣

吳夫人

崇安人胡安國母仙州居士義門之女也幼通詩書能析大義既歸胡克盡婦道姑余太君老

得末疾寢食鹽滷皆侍人夫人侍膳問衣妾身同起卧者垂十載及殁足屈不伸宗長欲火葬之夫人泣曰姑不得以全體歸地下吾當與俱默禱於神以手徐摩姑足遂伸安國稍能言遣就外傳且戒不得歸宗人曰兒釋弱少休之夫人曰休正在此安國自是感奮力學未冠遂預計偕迫罷歸宗人為惋惜夫人獨喜因語之曰兒學短淺急切名第必惰且驕難遠大期也安國既登第復好奕夫人責之曰業只一第耶安國遂禁奕終身已典教荊州以事數忤守夫人曰人貴德義耳不貴以氣凌人安國遵訓飭勵母教居多

馬

翁氏

崇安人密州司戶掾女也主前一日其祖殿撰夢有通謁者曰吾姪女星也當主君家翼日夫人主

紅光滿室殿撰曰此必清貴而壽者也長歸胡寅
以婦德聞見元孫者三累封太原寧郡太夫人

劉氏

崇安人翁福清妻福清為人友愛劉能宜其家治
內有規度福清歿劉曰吾兄弟子姓日庶汝
約束之母令異心福清歿劉益篤忠信家人歲鬻竹
笋之利必入於劉不敢私蓄一門八十口四世同居

元

游氏

建安人雷德潤妻善書能文無子默禱於
神夢黑熊行天遂主機機貴贈建安郡君

真氏女

浦城人真文忠裔孫也其父仕為管庫員官錢
數千萬鬻女以償久之流落倡家剛貞自持日

隨儕侶出惟歌雅詞吹洞簫而已客無得犯者承旨
姚牧菴會客翰林女往供奉牧菴聞其作閩語詢知

其故告所司脫其籍以嫁
院吏黃逮後逮至顯官

徐氏

名彩鸞字淑和浦城人適李文景每誦文天祥六歌歎歔泣下至正間青田賊犯浦城從父嗣源逃

山谷俱為兵所掠賊欲殺嗣源氏直前願代父死賊義釋之顧語父曰父速去兒必死之賊拘至桂林橋拾炭題壁間云惟有桂林橋下水千年照見妾心清遂投橋下死世又傳其寫懷詩云萬水千山去路賒青鞵踏破幾層沙登山絕頂重逢嶺渡水愁深又沒涯雁字只傳夫與子魚書難寄母和爺回頭遙望鄉關處雲下峰前是我家苦調悽音頗得信國遺意

明

倪氏

崇安人藍增之室早寡無子以通書史能書天順四年被選入掖庭備姆訓八年賜女官馳驛還里

立女
官坊

童氏

甌寧人都指揮劉寬繼室童未三十而寬卒子

彰子之失以傷至情不可乃攜銀依弟訓以居銀
既成立時遣歸掃先塋且修兄弟之好焉以上

媛名

五代

鄭氏

余敬洪妻建安人南唐將查文徽平建州鄭為亂

兵所獲以獻裨將王建封建封欲犯之鄭不從宵
以及亦不屈建封轉歸文徽亦欲犯之鄭罵曰王師
弔伐宜旌賞節義以勵風化王司徒出行伍無怪也
君侯為國上將亦若是馬
願速死文徽愧而歸之

宋

翁氏

崇安人翁紀女孫獵涉方冊覽曹娥碑心慕之年十五母病籲天泣禱割股投羹母飲之忽有神護

疾隨痊里中朝議彭侯聞其賢力為李予括求婚既歸孝養舅姑舅歿姑老多疾翁侍湯藥至忘寢食姑

歿哀毀淒切

聞者隕涕

哀氏

崇安人貢士范巖妻巖就試卒京師計聞號慟幾絕攜幼子行甫屬諸宗人而自結庵於黃洋居之

指河為誓曰吾不復渡此水矣紹興末行甫舉於鄉

聖姑

不知其姓崇安五夫里人及笄偃蹇擇夫里中有道子者亦嚴於擇婦有以聖姑言者道子歡然聘

之甫歸道子暴死姑遺之還曰汝夫誤子矣毋重自苦聖姑曰夫之納妾以為姑也夫雖誤妾妾可誤姑

耶乃矢心守節姑歿力為殯葬毀形屏處姑素誦經一日無疾端坐而逝土人呼為聖姑

欽定四庫全書

卷五十八

陳氏

建陽余楚繼室生于翼三歲楚卒陳以產界前室子翼長使遊學翼在外十五年登進士歸拜其母

貧無以存母子相泣聚觀者嘉嘆之

元

廖氏

名妙祿建陽人年十七歸吳某其姑繼姑也事之順二十夫亡敬事舅姑撫教二子三十餘年有司

以聞未報翰林學士姚某侍宴仁宗為奏其實仁宗曰閩處偏方有此守節知義之母乎特封貞節宜人樹棹楔於門永褒其家

程氏

丘公注妻崇安人嫁未幾公注卒程年二十誓不改志苦節五十年

官氏

名勝娘建安方寧之妻寧釋於田氏餽之虎攫其夫即棄餽奮挺擊之虎舍去負夫至中途夫死以

節終事聞旌
之復其家

黃氏

名妙銖松溪李述甫妻至正間青田寇侵縣妙銖方盛年與羣婦逃山谷被執據地哭驅之至數里

遂投高崖下至暮父跡得之尚未死扶以歸

范氏

松溪葉彥寬妻至正間彥寬授政和簿未任而歿范年三十撫幼子誓不二志子長從戍范又撫孫

孀居五十餘年

盧氏

政和丁賢妻賢卒盧年二十六子湊三歲父母欲奪其志誓死不二撫子成立孀居二十餘年

明

王氏

建陽人夫亡事姑至孝一夕大雨屋前池塘皆滿視之錢也今號曰錢塘

陳氏

建安張伯輝妻年三十輝歿二子皆幼陳氏撫教之長子琮娶於葉生子慶琮亦夭葉氏守節如姑

葉氏

甌寧人同知膝澍妻事舅姑至孝澍死言不出閨以禮讓勤儉訓諸子婦若孫壽至百歲有司旌其

門

魏氏

名璣建安雷烓妻時值亂離夫歿子境尚幼姑諭以他適璣不從以死自誓後境子擢進士為浙江

事

江氏

建安貢士雷溫妻按察副使江鑑之女溫卒江欲偕死未得毋欲迎歸江曰吾未亡人有死而已杜

門不出事姑教子
孀居四十餘年

張氏

建安雷棟妻參政張珂孫女年二十棟卒無子張甘貧守節四十餘年

陳氏

甌寧諸生謝應京妻京家故貧陳入門即毀簪珥以脫舅氏徃役之困京歿陳年二十一生子丹詔

甫三日姑歿踰月舅亡三喪疊至殯葬如禮學使者饒景暉稱之曰三日遺孤一腔熱血逢此百罹凜然

節一

彭氏

甌寧諸生葉模妻模病彭刺左臂焚香叩禱模卒彭年十九食貧茹苦與母相守以終

滕氏

甌寧人適朱廷採年十八生子甫半月採卒滕哭痛絕後甦歸倚母家撫子成立三十年卒

全氏

甌寧雷用龍繼室子伯漢甫三歲龍卒於任全年二十四攜孤扶輿歸孀居三十年卒

蘇氏

建安貢生陳琦妻琦赴試致於京蘇聞訃勸絕或勸改適曰吾夫士也吾忍辱夫哉奉養老姑撫子

成立

張氏

建安楊士倫妻倫疾張到股以進竟不起事姑撫子以賢孝聞弘治中知府劉璵奏請旌表

黃氏

建安諸生陳沅妻年二十沅卒子彬甫週歲黃矢志冰霜後彬亦卒終養舅姑孀居三十餘年

雷氏

建安朱鉞妻鉞夭無子時舅亦未有他子雷哀毀涕淚至失明既而舅生子璽璽生子法乃求法後

其夫法長襲五經博士

謝氏

建安諸生吳炫妻炫死謝年二十四家貧課子奉姑及病姑為延醫乃引斧自誓曰寧斷臂不近男

子也

彭氏

崇安李存妻年十九遺腹僅五月夫疾革謂彭曰朕中子未知雌雄命之不淑汝自裁之彭痛誓死

夫歿晝夜泣泣日祝天曰男乎男乎果誕男及週疹廢明復撫男泣數月復明人曰孰謂天遠乎

楊氏

建安諸生陳照妻年二十七照死子三歲繼姑老而貧楊父為通判謂汝貧盍依吾楊不可隣家火

不出避竟無恙人以方宋共姬云

李珏妾

千戶女甌寧李珏以掾給事京師取之年色並盛珏死妾焚珏骸與其遺金裹歸誓為李氏死

珏子不為養取其金通嫁之妾北人也傍徨無依號慟去饑死他家路人嘆曰甚哉棄父妾者獨何顏地下見父乎從姪琛妻王氏夫亡子習尚幼家窶甚族長者憐而語之嫁不可習死又語之又不可稱未亡人者五十年

龔氏

甌寧蔡清泉繼室生二子在襁褓年二十一泉病歿龔愛前妻子踰已子苦節七十餘年子孫成立

年九十
四終

劉氏

建陽人年十八適熊剛中期月夫亡以死自誓事姑至孝求夫猶子燦為後卒年六十

詹氏

建陽人年二十五適黃溥生子璿甫過歲溥卒食貧茹苦孝養舅姑訓其子卒成令名

李氏

建陽黃寬妻寬病謂李曰母老子幼奈何李泣曰君脫不諱必不負君寬卒年二十四攜兒侍姑側

姑曰我子不死後

二子皆有令名

徐氏

建陽人年十六適張煦煦以訟繫死徐哀慟幾絕母解之曰婿不幸汝有遺腹勿自傷舉一子日夜

紡織以教年

五十六卒

黃氏

建陽人適徐輝輝卒黃年二十五子甫週或勸其他適黃流涕指其子曰所不與夫偕死者以此耳

絕甘茹苦

三十年

蔡氏

甌寧席鵬妻鵬祖母以節旌鵬死誓死不
改火延及隣反風旋滅孀守四十餘年

倪氏

建陽黃庾妻生子三曰倫曰儼曰信而庾卒倪年
二十五養姑教子人或贊之氏曰習慣如此不自

也知

張氏

建陽人年十七適蘇崇甫七月崇卒母強之嫁泣
曰何令未亡人事二姓耶欲自盡母乃止孑立數

年撫其猶子相為後相
死撫其孫灼亦如之

蔡氏

崇安人西山九世孫女也適建陽熊勿軒八世孫
昔惠主子繼隅甫週歲而昔惠卒蔡年二十二砥

節勵操邑人
奏請旌表

謝氏

甌寧諸生吳元陽妻年十九歸吳閱歲而寡子方
三日姑多病斷髮自誓勤女工以供蔬水課子成

立

謝氏

甌寧諸生林朝卿妻生子叔文週歲卿死謝年十九截髮自殘不出門戶孝事翁姑翁到百歲卒殯

葵盡禮以

義方成子

張氏

建陽人適詹氏子五載而寡無子姑欲嫁之張以死自誓乞族子育之窮苦萬狀沒齒無怨言

蔡氏

建陽熊燭妻燭卒蔡年二十一生男壘甫四月姑泣謂之曰此恐非媳倚仗奈何蔡嚙指明志以節

終

周氏

建陽人適翁敏年二十三而寡子四歲遺腹一家貧有諷以遺孤難恃者周正言斥之勤紡績事孀

姑姑歿力營葬

事苦節四十年

陳氏

松溪葉牧妻。牧亡，一子甫週，隣失火，屋被焚。陳號泣曰：「天乎！災及舅姑兩柩，妾命休矣。」伏於柩下，火

及前廊，天為返風，以免。

翁氏

建陽熊堯德妻。兄堯成卒，遺腹一子。婦有他志，欲棄之。翁曰：「兄弟共此子，撫之在我，有他者聽未幾，

德亦死。翁撫姪，無二有病。勸就醫，曰：「痿也，奚藥為？」

黃氏

建陽人，年十八適袁，任重五載，重歿，無子。家貧，黃抱夫主依母家五十餘年，鄉人欲表其節，輒止之。

曰：「常事耳。」何煩官府？

何氏

未熹十世孫，虹妻。通孝經，列女傳及曹大家女誡。夫喪時年二十五，守節以終，壽八十餘。

袁氏

建陽人，年十七諸生李世英婦。甫一週，夫亡，遺腹子。仕堯，鞠育之長，娶婦未幾，堯死，袁與婦慟哭。

立嗣以終其節
詔旌雙節之門

蕭氏

建陽諸生傅廷言妻年二十三廷言死孤甫五歲時舅姑年耄蕭矢志不渝卒以孝著

范氏

建陽宋垓妻年二十三夫卒子堅甫三月姑憐之諷更適范泣不從孀居四十餘年

袁氏

建陽人適同里黃生年十八夫死無子歸依父家父黨給田贍之乃築土室自屏為一竇以通飲食

雖父母兄弟罕見其面年八十
二無疾卒以所贍田捨福光寺

翁氏

崇安陳際中妻年十八歸陳長子三歲次子四月際中疾謂翁曰不起矣無哭也傷我二親善撫二

孤吾目瞑矣際中卒翁吞聲襄事奉慰舅姑曰孫即予也姑曰汝少家貧奈何翁曰事舅姑撫孤幼不忘夫命二者婦分也舅歿力營襄事家益困夜織不休姑止無怠目坐失明泣曰失明婦甘紡織廢矣是天

育吾姑與吾子也踰年替復明人謂節孝之感嘉靖間旌表

游氏

崇安楊自明妻嬪於楊事姑孝姑死竭誠終事夫被仇家毆死游年二十子少隱忍在心及子長懷

及入仇家會仇暴死游曰恨不死吾手監司聞之遣祭表宅

何氏

松溪葉文祥妻年二十八祥歿何勵志守節事姑黃祖姑謝孝養備至二姑年俱近百而何亦八十

餘

吳氏

崇安黃李滋妻生子楫甫六月滋歿吳哀痛不絕口姑曰夫可痛也子亦可懷於是稍稍節順執喪

三年姑曰盍他往吳曰有子又何之正德間有司給米絹表其宅

毛氏

崇安人徐環妻環之母主環與璩中歲寡毛年十九子宗成甫三月而環死璩妻李氏生子宗茂甫

一週而殒死一門三孀家事蕭索姑謂毛李曰二孤我撫二媳自裁無共苦也毛私語李曰吾為冢婦而子即我子汝可從姑於是李嫁而毛守姑恒語人曰吾婦夕橫雙臂以枕二孤食果必均製衣同布真賢婦也姑歿毛悲慟骨立宗成長生一女而又死毛痛傷成疾宗茂請醫視之毛曰徐有後矣此吾從死之日藥之是求生也不藥而卒

毛氏

崇安張釗妻年二十一夫亡子淵僅數月毛抱屍慟姑慰之曰母存子存夫去夫在毋自苦也毛撫

踊斷髮曰有如此髮矣姑年及九十敬養不替而子淵死獨孫在時巡臺撤米節義邑人舉毛毛曰夫亡子亡虛名何事力求止之

江氏

崇安諸生黃熙中妻生子應兆未週歲夫死江年十九必以身殉姑泣曰吾老孤幼汝死曷依江忍

死毀形竭力奉姑姑殁殯葬

盡禮撫孤成立年七十三

彭氏

崇安吳京煥妻生子穀三歲次象甫五月夫臨終囑曰親老子幼守否在汝彭號泣自誓夫歿舅氏

又喪與姑形影相弔歲饑多盜彭家獨免人曰節婦孝養之需神為護矣

暨氏

崇安人計部黃嘉賓妻賓卒於任暨奉姑扶櫬歸道經楊子江風濤暴作暨拊棺號哭曰寧氏死辛

全姑及柩衆船皆覆暨舟獨存歸家撫遺腹子應貢年九十見其孫登第生女年十六歸虞黃中十七而寡事姑撫孤亦以節著

孫氏

崇安郎慶雲妻雲兄弟析箸侵雲產孫勸雲讓之後雲死氏年十九撫孤僻家成立年九十九卒

魏氏

政和王得閔妻年二十三而閔卒遺二孤俱幼氏與二妾同奉姑撫子以節終

李氏

政和人適陸英為繼室英死氏年二十六生一子三歲夫志撫育并撫前妻三子共底成立毀粧茹

苦一節

凜然

黃氏

崇安鄧文燮妻年二十八子仕濂方九月燮卒黃抱兒哭曰吾為此兒苟存黃弟以姊無依欲與同

歸黃曰夫靈在去將

誰依自撫孤成立

虞氏

崇安陳貴恒妻年三十恒歿守貞苦節七十載教子訓孫復撫及四世孫年百有六歲

游氏

浦城蘇公亮繼妻年二十方娠而亮卒臨危囑曰生男常守生女嫁人既生女竟不嫁

張氏

浦城真大韶妻年十九而寡遺孤梧方襁褓引刀斷指誓天撫鞠以紡織孝養舅姑卒後梧廬母墓

亦以孝聞

祖氏

名梅娘浦城吳潤妻潤死有身矣已生男曰有依矣事舅姑盡孝應門一童爨下一嫗後其子娶婦

稍治飾即命去之寡

居六十二年如一日

黃氏

名聰娘浦城人年十六歸徐以盤未五載罄卒兒方在抱囊遠罄懸外戚欲奪嫁之黃叩天泣血引

繩自縊會兒索乳啼號舅姑覺而拯之舅年已耄孝養彌殷姑病目為舐其翳課子承夫五十年卒

徐氏

浦城人祖點妻嫁四載夫亡僅生二女斷髮明志姑擇嗣以繼祀姑歿痛哭仆地遇其諱日泣下沾

襟

黃氏

浦城人徐一濬妻三子俱襁褓其姑以嫡節受旌濬逝黃哀痛幾絕矢與姑同節事姑並為姑疾剗

股進藥以苦

節聞於鄉閭

周氏

政和魏穀實母也既喪夫穀實與其二子相繼夭三婦並少周諷以從一之義三婦皆泣嚙指誓閨

門之內肅如也諸孫總角者則遣就外傳在襁褓者自撫哺之旦坐於庭諸孫環侍聚僮僕諷諭使治生

業晚則稽勤情賞罰焉如
是者二十年壽七十五卒

陳氏

政和張彥章繼室彥章為縣吏有罪囑曰存亡未卜善撫我子時陳年十八彥章歿陳撫前妻子與

已子無異年
八十九乃卒

陳氏

松溪葉措妻少嫻女訓善事舅姑夫亡無子立猶子繼嗣後捐田二十二畝於學宮以助邑士之學

陳氏

松溪江鏗妻年十八鏗亡遺腹生子謂姑曰徵天幸得此呱呱願強食無恙供甘旨撫幼孤終身無

倦

盧氏

政和張子銘妻年二十四而寡或諷之曰年少子幼奈末路何盧曰豈不聞饑死事極小乎聞者嘆服

李氏

政和林昭得祖母年二十餘夫卒一子甫兩月有謀聘之者持刀自絕隣姬覺而止之獲免

陳氏

政和人教諭趙旻妻旻罵賊死陳以節終郡守龔道立稱其君臣夫婦之間嘉耦無媿

黃氏

政和吳公寶妻年十六歸吳越四年寶卒遺一女人曰可贅壻也即子矣黃曰如宗祀何育夫從子

坦為後

陳氏

政和王明妻年二十餘生子憲未週明疾革囑曰吾必不起子幼去留在爾陳泣曰有留爾明卒遂

依明從母以居寇亂挈子以逃備嘗艱苦知縣王鑑有寸心昭白日信誓契蒼天之句

范氏

崇安葉宗儀妻年十七而寡舅姑欲奪其志抱木主歸依母家飲恨不起臨終求與木主同葬

范氏

政和倪澄妻澄歿氏年二十無子立族子為夫後事姑盡孝守節終其身

張氏

浦城人年二十二適徐珊珊卒號哭飲血誓以身殉諸姒勸之乃強起育其子紹有富姓欲娶禽焉

氏開戶自縊姑毀戶入款乃免萬厯間旌表

吳氏

政和張煥妻蚤寡天無二志事舅姑以孝聞孀居四十餘年卒

陳氏

政和張鳳池妻蚤寡食貧守志三十餘年水霜無玷

趙氏

建陽張翼軫妻年二十而寡姑諷之嫁趙曰此事豈可聞耶事姑彌謹崇禎間詔旌其門

范氏

政和陳瑋妻瑋疾革范默割股和劑服之瑋卒或勸之嫁厲聲叱曰夫薨我耶年七十餘卒

林氏

甌寧任巨妻與巨處相敬如賓其翁喜曰不意吾門有梁鴻孟光也巨歿林年二十五絕膏沐不出

戶者五十七年子可峻孫本信相繼鄉薦

熊氏

建陽人適李世芳夫卒有子名正長矢志不渝撫其子娶袁氏甫一歲正長卒熊與媳共誓靡他崇

頑間旌表

馬氏

名妙琯松溪葉濂妻年二十夫疾語之曰吾死無後汝將何歸馬曰死則同穴何患無歸及卒以刀

自刎家人救之傷頷寸餘不死苦守五十餘年卒全其節

以上節孝

宋

劉氏

建安人曹觀妻皇祐五年觀守封州儂智高陷郡劉聞觀亡曰不可污於賊遂自經追封彭城縣君

覲有妹從覲官次
覲遇害亦自刎

何氏

名小魯黃文伯妻甌寧人端平間夫死泣曰夫妾
之天也夫既死妾何生為明年葬夫畢遂吞金以

殉

吳淑人

建陽人兵部尚書呂祉妻祉為鄴瓊所害
有得祉括髮之帛以歸淑人持帛自縊死

余氏

名正順昌人年十六許配甌寧黃壽後將樂土豪
伍馬榮者強妻禽馬女據禮告父父以女語辭之

遂歸於黃歸之日豪遣百餘人俟於道殺黃而奪正
正給之曰返致吾言吾未歸黃勢且適人毋寧歸而
待聘百餘人皆去余扶黃柩歸白於
官土豪坐誅遂卜地葬夫自殺以殉

元

毛氏

名清蚤適人寇亂毛大書壁云寧死義不生汚賊至毛持刀刺賊賊殺之事聞表旌其門復其家

李氏

名智貞鄭全之妻浦城人左丞旻之女也七歲能讀書九歲母病調護甚謹及卒哀慟欲絕奉父極甘旨父客邵武邵武土豪聞其慧強納采焉李斷髮拒之豪不能奪全病歿李悲泣不食死智貞能為詩

有靜方集
陳旅為序

鄭氏

建安人雷景照妻紅巾寇亂照被殺以鄭有容色獨生之鄭知賊意遂自殺次日獲甦撫二歲兒成

立以
壽終

管氏

政和人張子方妻至正末磔冠入邑驅逼子女以去管年二十餘自刎而死

明

丘氏

建安魏宗欽妻欽父康為倉胥洪武初坐法當刑宗欽詣官請代丘曰勉哉行矣君能為子妾不能

為婦耶宗欽就獄度當刑奉書訣父父焚之不忍觀丘痛哭自縊後宗欽得赦歸悲泣曰吾不意生而婦

不意死也

魏氏

甌寧諸生雷燦章妻章歿魏年十九淚盡繼血目為之枯不食七日死

黃氏

甌寧楊公範妻範死黃悲痛不忍獨生遂引巾縊死年二十五

黃氏

名妙瑩松溪葉繼生妻山寇剽掠至其家斬尸入揮刃斫繼生妙瑩奔呼出即以身翼蔽受數十及

氣絕不動冠愕然棄去得不死

張氏

政和貢士游銓妻適銓奉匱沃盥有賓案儀其二子長業隔次在襁女二其長已嫁李方及昇嘉靖

辛酉寇發建屬邑多被圍張氏慮且莫測誨其季女曰凡我婦職順適其晏以一所天幸矣被變之窟惟溺與及汝謹識之銓聞讓曰婦言不祥無喪而慙者鯁張曰婦聞士尚其節必崇於夙女愛其身必明於素君將砥節無惡不祥使婦與女能明不祥祥莫大焉居無何海航諸寇誘倭夷數千攻政和陷之張度不能脫連呼女曰省前誨乎頷之即赴井死張隨之聞數日賊窺井出骸帶橐中簪珥得金可數十時銓與兒俱被執於鄧外銓幸先脫後賊拘銓兒從其家令取瘞貲視其母妹則既死矣泣奠禁賊亦相愕曰維母與子各挾其貲可以得生何弗為也烈哉烈哉覆之以衣而去萬厯間旌

余氏

建陽人朱熹十二世孫振妻余蚤喪父無兄弟振贊馬後其母不耐貧困轉適他家振挈氏獨居蕭

如也母嫌振貧謂如何不求去曰一與之齊奈何以貧棄之母言愈厲遂自縊死

魏氏

既寧諸生雷松齡妻夫死
絕飲食涕泣數日以殉

陳氏

建陽蔡郎妻郎負債逼
欲以陳償陳自刎死

江門二婦

松溪人葉氏者江華之妻陳應娘者華弟惠
勝妻也二婦貞潔和順守貧苦節嘉靖四十

一年十二月同里人避倭寇匿長潭值里男覓刀刺
頭弗得葉氏乃出諸懷衆婦問故葉曰設有急可自
裁也獻歲四日倭圍長潭執葉與應娘共繫一繩葉
謂應娘曰我二人今日被擄縱主還潔亦名污不如
就斃應娘唯唯葉探刀懷中刀已墮
失於是各抱幼女連繩跳潭水中

范氏

名惠女松溪林壽妻寇亂掠范及衆婦范獨抗節
或勸其暫允明日來贖范曰身可贖羞亦可贖乎

賊殺幼女以懼之范顏色自如曰
併及汝矣曰固所求也賊殺之

朱氏

建陽人適李汝梗梗病危謂朱曰我必不起汝若何朱嗚咽不能對梗病轉劇呼朱至則已古澁但

瞪視朱大慟曰恐而室飯他家耶遂自盡

鄭氏

政和吳景文妻寇亂舉邑驚走鄭及女伴避難山谷寇逼棄其週歲兒自投崖下衣掛於棘良

久復墮不死而右足折一女同投衣無所絰藿粉矣寇退兒亦無恙人謂天相邑人稱同投者曰投崖女子

倪氏

政和陳受榮妻正統末古田寇剽縣境倪與夫避山中被驅投溪而罷寇退求得其屍顏色如生

董氏

浦城李過陽妻名線娘遇陽畫史也蕩遊江湖間二十載方歸數月輒復去舅姑年皆逾六旬而夫

兄不事主業所以養舅姑皆自線娘十指出自後畫史之音信絕矣舅歿夫兄潛與姑詐為夫書囑以改

通線娘痛哭自縊姑憐而止之嗣是家日窶夫兄出亡線娘養姑不懈姑歿與衣襄事歸家依其兄嫂居或日不費爨亦不飽萬厯二十九年乃和畫史贊馬湖府富人家挾貲至千金前一歲物故線娘號泣曰死吾不媿矣遂不

食死年五十一

管氏

浦城范毛桃妻桃家貧管敬事不懈桃歿貧不能市棺隣人舉屍焚之管慟哭跳入烈火中抱夫屍同燼里人以聞立坊旌表

范氏

松溪陳光妻嘉靖末廣賊臨境范從夫匿山谷賊搜山得之悅其妾初不悉殺至東平渡范以石擊頭血流且泣且罵中流奮跳渡下賊怒殺之年二十二

林氏

政和范灼妻年十八夫死孀居雖弟姪不得見士戕倭陷城賊掠入營溫語露刃誘逼相加終不從

遂見殺萬厯二十二年旌門

池氏

政和吳天植妻士民城陷被執顏色不變厲聲抗賊引頸就死

張氏

政和游君銓妻倭賊陷城氏與其女義不受辱死之萬厯時旌其門

以上貞烈

未經立傳者附後

章氏

魏壽孫妻

周氏

楊仕儀妻子且官至吏部尚書

詹氏

張澤妻

謝氏

吳元陽妻

詹氏

朱鎰妻

江氏

雷格妻

趙氏

滕奎妻

曹氏

陳岐鳳妻

倪氏

陳榮妻

倪氏

陳機妻

馮氏

裴國宏妻

龔氏

貢生楊公載繼室孫百朋登第旌表

張氏

諸生

葉文粹妻

徐氏

周鶴齡妻

陳氏

李文超妻

王氏

舉人龔士遠妻

黃氏

李璧繼室

吳

氏庠生楊鄒氏指揮張劉氏李竹夏氏李盛陳氏李

蔡黃氏庠生魏以上俱建安縣人

鄒氏諸生雷林氏席成王氏舉人郭范氏名三官楊

童氏陳本楊氏魏維滕氏諸生朱楊氏諸生滕金氏

陳曜鄭氏黃崇陳氏李珂黃氏張素滕氏朱氏陳仕

錡劉氏庠生徐以上俱甌寧縣人

朱氏文公七世孫劉氏馮澄劉氏潘榮葛氏諸生劉

王氏袁綽范氏詹燭詹氏余有蕭氏黃雄馮氏諸生

綸繼室

林氏 傅廷

應氏 文公商孫 朱錦妻

以上俱建陽縣人

江氏

程啓隆妻

黃氏 虞黃中妻

朱氏 吳人式妻 併媳丁氏 以上俱崇安縣人

林氏

張伯成妻

葉氏 林陳妻

吳氏 蘇公亮妻

梅氏 名賢娘 吳邦用妻

包氏

丘璫妻

潘氏 李應相妻

以上俱浦城縣人

嚴氏

楊繼義妻

嚴氏 江克俊妻

李氏 周文妻

李氏 葉廷寶妻

林氏 庠生真序妻

以上俱松溪縣人

劉氏

吳繼祖妻

李氏 姜繼英妻子 禮領正德鄉薦

吳氏 朱廷春妻

趙氏 胡士龍妻

許氏

黃朝佐妻

以上俱政和縣人

國朝

鄭氏

建陽人適范六鼇鼇夭有遺腹衆欲奪其志鄭曰婦人從一而終誓不他適舉一子舅歿家貧紡績

佐醴粥撫孤成立

鄭氏

政和吳大梁妻夫亡年二十餘永霜自守歷數十年撫子若孫一堂五代年百有四

謝氏

建安陸觀順妻夫亡無嗣脫簪珥葬之或勸其改適氏曰得同穴幸矣甘貧苦節依女終身壽八十

七

陶氏

甌寧庠生夏世寧妻年二十寧卒陶矢志孀守孝事翁姑撫孤友仁歷五十載冰操如一日仁亦以

稱孝

楊氏

松溪范蘭華妻年二十八夫亡守志五十三載米霜自持撫其子同讀書入庠康熙二十三年旌

表

徐氏

建安拔貢謝海妻候選州同起宗之母年二十一寡順治五年大兵克城奉姑入山幼孤遭掠痛

哭悲號兩目幾盲後聞孤消息驚昏珥贖回相抱而泣兩目復明年七十有四卒康熙二十三年旌表

鄭氏

建安范天震妻年十九而寡奉侍孀姑溫清無倦苦節三十餘年康熙二十三年旌表

鄭氏

建安徐士英妻年十六適士英十八生子名之駒甫彌月英卒孝事孀姑撫訓孤兒姻族奉為女宗

康熙二十六年

旌表

章氏

甌寧吳光國妻十四于歸十七而寡生孩六月撫養成立孀姑多病孝事不懈後其子髫年採芹歷

節三十四載康熙
四十四年旌表

黃氏

甌寧人年十六適徐戴之二十生子璜未週夫亡
孝事舅姑撫育孤兒守節三十年康熙五十年

旌表

陶氏

甌寧廩生張鑑妻未行母目幾失明陶禱北斗而
愈適張青年守節度事舅姑嚴督二子觀濶觀海

先後拔巍科康熙
五十三年旌表

林氏

崇安倪敬妻年十九夫亡甘貧守節孝事舅姑姑
歿與衣嚮悅喪殯盡禮康熙五十三年旌表

熊氏

崇安人年十八適程志元二十一夫亡營葬翁姑
以成夫志歷節三十九載康熙五十三年旌表

張氏

建安廩生黃芳鏐妻年二十三而寡撫育遺腹
奉侍耄姑卒年七十四康熙五十四年旌表

孫氏

建陽廩生黃震亨妻二十一而寡孝事
孀姑撫育幼子康熙五十四年旌表

詹氏

政和監生趙漢妻年二十六夫歿杜門紡績訓子
成名奉姑盡禮壽七十有四康熙五十四年旌

表

趙氏

政和楊佳模妻年二十夫歿有遺腹子公姑勸其
再醮趙斷指以誓孝事公姑生男復天擇繼承祧

苦節四十四年康熙
五十五年旌表

張氏

建陽人適生員鄭尚郁二十四歲夫死孀守子國
璵入成均復天兩氏伶仃一門雙寡孀居三十餘

載康熙五十
五年旌表

楊氏

建陽監生鄭國璵妻年二十二夫歿姑孀遺子二
長中岳次雙瑞篝燈紡織課子力學雙瑞魁於鄉

中岳亦為庠士姑媳雙節
康熙五十五年旌表

羅氏 政和楊炫妻年二十二炫歿孝養公姑姑沾瘋疾
卧床十二年羅旦夕扶持不懈喪葬盡禮課子成

名孀居三十六年康熙五十七年旌表

陳氏 甌寧人年十五適監生劉楷二十四夫歿忍泣撫
孤食貧茹苦孀居三十餘載康熙五十九年旌表

表

吳氏 甌寧生負揚國柱妻夫歿氏年二十二時寇亂吳
毀身碎面不渝其志撫孤成立孀守二十五年雍正

正三年祀節孝祠

吳氏 甌寧楊國棟妻夫死年二十三值寇變飲水茹藥
潔清自天二十載如一日雍正三年祀節孝祠

姚氏

浦城張經妻夫病經年奉藥衣不解帶年二十八夫歿或告以改適氏泣曰餓死極小夫節事大孀

居三十四年雍正三年旌表入節孝祠

黃氏

浦城生員林常青妻夫病三年奉藥不懈夫死氏年二十七遺腹生孤天志堅守孝事翁姑生死盡

禮歷節三十載雍正三年旌表入節孝祠

姚氏

浦城貢生葉昌祉繼室夫卒姚年二十六二子俱幼堅心苦節勤紡織嚴訓課二子同遊泮宮歷節

五十年雍正三年

旌表祀節孝祠

俞氏

浦城監生汪士騏妻年二十一而寡子三歲撫之成立公姑病虔侍湯藥祈禱願以身代孀居四十

載雍正三年

旌表入節孝祠

葉氏

松溪庠生黃鍾高妻年二十二夫歿守節五十四年子濟恒名列於庠雍正三年旌表入節孝祠

阮氏

甌寧生員嚴有秋妻年二十九夫亡欲捐軀以殉族人勸以翁姑乏奉孤兒夫養乃斷髮自誓苦節

二十四載雍正六年

旌表入節孝祠

丘氏

甌寧郭德康妻年二十八夫歿柏舟自矢事姑撫兒苦節二十六載雍正六年旌表入節孝祠

龔氏

崇安鄭元虎妻年二十而寡泣血絕食誓死殉夫夫棺停家遭鄰失火抱棺號泣風回火滅身不歸

容足不越閭孀守三十四年

雍正七年旌表祀節孝祠

汪氏

崇安鄭明儒妻二十夫死姑老子幼紡織治生姑歿三柩停家營葬盡禮歷節一十八年卒雍正七年

年旌表

祀節孝祠

陳氏

建安庠生任元炯妻二十四而寡事姑恭謹撫孤成立冰霜苦節族無間言年五十有一卒

張氏

建安庠生徐駿聲妻聲卒張年二十二撫育幼孤茹荼苦節歷六十三載

蔡氏

建陽人名淑達適庠生李果珍生三子年二十而寡撫孤守節族人迫改嫁蔡勵志益堅訓子爲華

韓華俱有聲譽李皇華登戊子經魁年八十無疾終

朱氏

建陽人適張汝桐年二十而寡姑老子幼家貧無賴氏紡績以供事育壽七十而終

李度貞

建陽人初名鳳琛貢主李德基女幼聞弟讀尚書問百度惟貞之義父異而訓之琛曰何不名

琛以貞因名度貞及長適張琅琅夫無子貞求死母力護不獲貞曰幼聞貞訓今當永天後其弟亦大遂與弟婦危氏誓共守節

張氏

建陽人名淑英適廩生朱懋璧年二十夫卒同婢巧環孀守子炳詔登庠申補科副榜孀居六十餘

年

陳氏

建陽人名德芳適貢生李大捷生子善繼四歲夫死家貧有諷之去氏曰李門惟此一脈子存與存

非義之言毋污吾耳後善繼
髫年食餼於庠癸巳恩貢

黃氏

建陽詹公儀妻年十七而寡遺腹生男王度茹藥和丸紡績以資膏火後度為庠士黃守節五十年

如一日

黃氏

建陽生員袁延高妻年二十四夫亡
孝事耄姑足不履外庭者四十餘年

虞氏

建陽人適黃士賢賢卒氏年二十四子
璜七歲家貧孀守苦節六十八年卒

張氏

建陽人適庠生沈國禎禎蛰死泣不能言張年十九生子四月啗臂與訣夫死子亦喪或勸之去張

曰吾為夫守節非為名也
孀居四十五載族無間言

朱氏

建陽人名招適主員江鵬鵬死年二十八子霖十歲姑憫其孀守朱曰守節撫孤尋常事耳子雖幼

可望成立後霖領卒已
歲薦苦節四十一年

楊氏

建陽鄭仕揖妻年二十三夫卒守節撫孤備嘗艱苦舅姑年邁紡織以供後子國璿補博士弟子員

里人稱為鄭門孟
母年六十四終

詹氏

建陽人適劉既長年二十夫卒
子景珍週歲詹天節四十餘年

何氏

建陽人名金斗年二十六歸倪揚輝生子于滾四歲輝疾謂何曰奈老父幼子何氏曰妾所以不即

死者以此耳輝卒後子滾入泮亦旋亡何益勵苦節撫孫時杰成立

李氏

建陽人名坤適庠生范韓烈年二十八而寡撫孤子鴻備極辛苦鴻髻年入泮旋領鄉薦

楊氏

建陽陳以明妻結褵四月夫亡守節事姑食貧茹苦五十餘年如一日

劉氏

建陽人適徐普興夫亡年二十七子白四歲夭節撫孤娶婦林氏白亦繼亡子二長琳三歲次球遺

腰姑媳孀守閭里稱其苦節

張氏

建陽廩生李亮寅母年二十三夫亡孤四歲張以節自天訓子成立

彭氏

崇安東天璜妻年二十九夫亡教子集成為明經卒年六十有八祀節孝祠

范氏

松溪葉元標妻標歿氏年二十一有勸其改適者氏叱之撫孤成立苦節四十年

陳氏

松溪諸生葉聯芳妻年十八于歸甫生
子夫歿茹荼飲水三十八載族無間言

吳氏

松溪人守備陳詩妻詩劄委守淮二載吳養姑克
盡婦道生子霖夫歿年二十餘鄖西之變奉姑慙

子避難以乳乳
姑卒年七十三

陳氏

松溪葉其暢妻年二十八夫故家貧子幼
孀居常不舉火忍饑課子苦節三十年

林氏

名琇侯官人建寧庠生嚴長發妻歸四年而夫歿
氏撫育孤兒貧無以自給依兄達州守遜天志苦

節年七
十四卒

徐氏

甌寧葉一騏妻夫死毀容矢志騏弟騏亦歿僅一
子徐同叔姒李氏孀居並守齋食不繼弟欲迎歸

徐哭曰生為葉婦死為葉鬼豈
復敢圖溫飽耶年七十三卒

裴氏

甌寧人宜陽知縣黃繼祚繼室年十五于歸二十一而寡勤儉持家課子成立苦節三十九年

商氏

崇安劉夢斗繼室年二十八夫歿撫前室二子無異已出堂有九旬祖姑不能飲食氏乳哺三年不

倦歷節四十載而終

黃氏

甌寧謝國鳳妻年二十一夫歿遺腹生男天志苦守紡織供食篝燈課子歷三十一載

鄒氏

建安任雲翔妻年二十三而寡氏即欲殉念遺孤未週忍死天節婦姑病藥必親嘗姑歿齋齋珥以

資葬祭課子任耆食饌于庠孀居三十餘年

以上節孝

馮氏

甌寧人諸生黃震妻賊破大樂震從兄與賊鬪死馮語賊曰毋傷我姑賊舍姑執馮復紿之曰吾有

所藏取以奉汝入室自刎死

謝氏

崇安人諸生藍繡妻避寇鼓子巖為賊所掠逼之行不從手抱三歲兒奮身躍鼓子巖下子母俱死

今有碑書謝烈婦殉節處

林氏

崇安人周吉甫妻為賊所執躍入深潭賊以為死舍去浮沉水中鄰人救起又遇賊嘆曰命也奪賊

刀自殺

丘氏

崇安諸生岳堯時妻壬辰六月賊掠大安夫妻俱被執罵賊不屈磔死

周氏

崇安邱世振妻被賊執不從賊欲逼之周曰身可殺不可辱賊怒殺之

王氏

崇安暨丙妻十八而寡子幼賊就家逼之自縊死

暨氏

崇安彭澤民妻為山賊逼縊於山林數日後其幼子尚抱懷中

范氏

崇安諸生童光聲妻寇亂被掠天志不屈罵賊投河死

倪氏

崇安丘世蕃妻寇亂被掠逼勒不從刺死

謝氏

政和貢主黃化治妻丁亥寇亂與夫避山谷被執投巖而死賊怒拔刀斷其右臂時有刃加死後纔

為賊首碎礮中
信是貞之句

游氏

政和游居正女名月清年十四賊欲劫之圍石門月清抱弟潛水碓下賊聞兒啼搜獲其弟殺之劫

氏不屈

并見殺

謝氏

政和諸生吳光宸妻宸為賊殺姑令改適謝不願遂自刎

齊氏

建安庠生楊偉妻戊子之變夫在外齊謂其女曰事勢至此逃將安避與其被執受污毋寧先死全

節遂與女相繼投井以死

薛齊宋

建安庠生薛暄女年二十適張夔甫數月夔邁疾薛判股禱神願以身代夔卒撫棺痛哭不食

八日死

婁氏徐氏陳氏

甌寧人婁氏徐氏王公槐妻妾槐弟公翰妻陳氏氏子城陷亂兵入家婁抱其

子入井徐繼之陳復繼之隣有任師尹母與其妹亦相繼投井井為之溢

潘氏

甌寧孫廷標妻事孀姑至孝山寇竊發執姑欲殺之潘以身代奪刀自刎而死寇憐其節烈贈以金

粟姑得以保

陶氏

甌寧諸生黃以緯妻賊至夫妻偕逃山谷賊執緯殺之投屍巖下陶罵不已賊怒並殺之亦投屍巖

下

龔氏

甌寧游侯度妻山寇竊掠欲汚婦劫以及不屈賊怒砍死

王氏

甌寧嚴志振妻年二十四夫死止遺一子踰年亦喪王悲慟賦十嘆詩設酒醴祭姑及夫端坐自縊

而死

施氏

甌寧人名端宋許配林長培未嫁夫歿聞計辭父母衰服至林門揭視夫衾目猶未瞑解巾自縊康

熙二十七年旌表

何氏

建陽江有祿母寇亂掠之使行氏罵不絕口曰命可棄身不可辱賊怒及之

張氏

建陽人適劉昌仁年二十一寇至被執罵曰死則死耳豈肯受污遂遇害賊首陳德容義之切責賊

蜀夫埋屍而去

吳氏

建陽人適范庸庸死土豪欲強娶之姑懼哀泣氏

帶辭姑入賊門抽刀殺賊不中跳躍而死後人始知其改粧時已服藥矣

黃氏

建陽王權妻權業儒而貧為父行役舟溺死黃遺腹不育隨自刎啓梳匣有詩云常說死同穴於今

問永濱團圓肯負約直向刀頭尋

陳氏

建陽人許字江左俊土賊竊發負氏行氏嚙斷賊耳罵賊死時年甫十三

以上貞烈

邵武府

宋

游氏

建陽人適邵武黃崇初受班昭女訓通大義至治組紐筆削之藝不待刻意輒能過人歸崇事舅姑

承祭祀勤肅不懈舅喜賓客佳辰令節親舊滿門游供饋唯謹未嘗妄勞娣姒姑性嚴諸婦侍旁有二十年不命者游獨能順適其意盥櫛溫清無有違禮姑每因事指言以為諸婦模楷娠子則必端居靜室不疾呼不怒視曰此古人胎教法也稍能言置膝上授以詩書及長為迎師擇友教詔諄悉子中章皆登第中端明殿學士章台州刺史贈建安郡夫人

呂氏

建陽人刺浦令希說女適邵武饒偉事舅姑甚得其懼年餘生子幹粹而寡誓志秉節無何舅

姑繼歿呂持守門戶奉承賓祭中外井然出入用度凡有籍記雖僉合分寸無遺漏幹稍長遣就學程其術業謹其出入交游未嘗借顏色後幹登淳熙進士從朱熹講學知懷安軍贈呂氏宜人

上名媛

宋

葉氏

泰寧人祖洽孫女適蕭玠生二子舜咨舜申蚤孀家貧紡織教子後二子貴服布素勤女紅如貧時

子勸止之葉曰登枝捐本古人記之矣辛年百歲

黃氏

建寧縣人名淑字致柔幼通經史能詩文適同邑進士王防防為泗州戶曹卒黃挈其柩以歸未幾

憂鬱死臨盡囑其婢曰吾所為詩不忍棄其以為殉婢以稿置柩中其父拾其遺者百餘首有咏竹詩云

勁直忠臣節孤高烈女心
四時同一色霜雪不能侵

江氏

泰寧人鄒侯妻侯卒寡居教子先患目疾日夜誦經忽一日目明知慮開朗預知人事歲九十沐浴

更未作偈曰解即不解悟即不悟誰死誰生
誰來誰去因盡緣空當主淨土言訖而逝

元

黎氏

邵武人傅君用母孀居奉姑四十餘年姑年九十臘前三日黎氏病革姑問之黎曰老人善自愛三日後則百歲矣有諸孫奉養勿以婦為念也言既而卒姑三日後亦卒郡守為立眉壽坊以旌之

明

龔氏

奉寧人李榮妻年二十八而孀遭元季兵亂奉姑攜幼不離姑側壽八十餘卒

鄧奴娘

光澤人適郭子成洪武中子成舉人才以疾卒旅邸鄧年二十二撫二子奉舅姑及歿竭力營

葬尋亦卒

年五十一

官氏

光澤人李紹義妻紹義饒於財邑有平濟橋圯欲修之未果而卒官時年二十遂營造以成夫志遺

腹誕男因名橋主事姑王始終無倦俄里中
回祿延二百餘家李獨無恙人謂孝義所感

上官氏

邵武縣人通孝經列女傳適同邑人鄒衡衡蚤卒氏刻意教子課讀盡丙夜後子應麟應博皆

登第封令人
卒年九十五

丘氏

邵武縣人陳文清妻永樂初文清從戎福州遭疾死氏年十七子永宗甫四月計至扶柩歸葬誓不

再適

陳氏

名正娘邵武縣人副都御史陳泰女適吳誠誠死而目不瞑陳顓天天志夫目遂瞑奉舅姑盡禮立

夫姪為後製棺窆所曰未
亡人不日相見地下也

黃氏

名長娘邵武縣人邱禮奇妻生子澄甫一歲而禮奇死矢志撫孤事繼姑孝姑取禮奇嗣產均他子

黃無難色且戒其子曰天若作汝汝業將大無用此區區為也孀居六十年嘉靖中旌表

范氏

名寧娘邵武縣人甯餘質妻年二十而寡遺孤在襁貧甚有勸其改適者范曰失節而主不若凍餓

而死

危氏

名瓊娘邵武縣人謝源貴妻年二十九貴歿家貧無子以序立繼緝繡課讀底於有成

危氏

名道娘光澤人陳宗妻宗姑無子鞠宗為嗣宗奉之不異所主宗疾草以姑托危既卒姑命改嫁危

述宗臨終之言事之益謹

姑歿喪葬盡禮鄉黨稱之

彭氏

名就娘光澤人高振妻年二十而寡服闋或憐其無子勸之他適氏號痛誓死竟以節終

危氏

名五娘光澤人李彛妻年十八
葬卒無子夫志守節人無間言

危氏

名栢娘光澤人高明妻年十八明卒無子氏
夫志靡他膏沐不施外親不見間里欽之

何氏

名翠娘光澤人李毓英妻恪盡婦道毓
英卒無子氏年二十一孀守六十年

施五娘

光澤人傳政妻政死於寇父亦被擄施為夫營
葬贖舅以回子未週舅又雙瞽人勸之改適施

不事膏沐
侍養終身

李氏

光澤人陳其謀妻年十九夫亡立志守節撫姪南
條為子事舅姑孝有勸其改適者氏撫子嘆曰吾

無子而有子
夫不死矣

彭氏

年十六適光澤李天錫未暮而天錫歿遺腹生男
贊氏艱苦撫育孝事舅姑後贊入國學選授北城

副兵馬司

葉氏

光澤人諸生黃大緇妻年二十四而寡奉姑孝撫孤慈鄉鄰欽其貞節

李氏

光澤人何其謨妻謨有叔四人性兇計吞謨貲置毒於粥以食謨已而毒作奔歸語李曰吾已中毒

矣汝年父男又幼冤何由雪語竟而卒氏慙有司十餘年不得白後巡撫未決其獄諸克職焉

李氏

光澤人諸生郭緯妻緯讀書未就而歿遺二孤臨終語氏曰吾有志冀二子成之汝年猶少若何氏

泣曰誓成而志耳後二子學成有聲氏仰天嘆曰吾今可以報亡夫矣

李氏

名錦娘光澤人諸生江筆彩妻艱於嗣為夫置妾生子宗海妾歿氏撫如已出後夫死家貧緝繡以

教底於有成

趙氏

名真娘泰寧江顯得妻年二十五夫亡遺孤幼氏天志靡他勤紡織以奉舅姑治殯葬撫二子至於

成立

江氏

名望娘泰寧人鄧勝達妻年二十六而寡一女在襁父母憐其無依欲使他適江曰婦以夫為天天

有二乎去鉛飾勤紡織以死自誓

何氏

泰寧吳景馨妻年二十四而寡守遺腹子志崇足不踰閭閻辛孝事繼姑家災於火結茅以居奉姑

於床而自席於地姑病抱如廁手理其穢嘉靖初旌其門

李氏

泰寧人馮朝明妻年十六歸明兩月而明卒起卧隨姑避亂登崖不以男子手引年七十餘終

雷氏

泰寧人呂斌妻母寡無子斌來贅雷十八歲歿子嵩甫一歲雷後病革啓其手出訣三寸示婢曰浴

我密室吾寡居脫以內無
人能窺也嘉靖初旌其門

謝氏

泰寧人黃宸妻年十九而寡敬奉
老姑克盡婦道四十餘年如一日

李氏

建寧縣人范安童妻年十七歸范生一女三歲安
童以貢授陵水令臨行囑李曰吾二親老汝能終

養乎李曰行矣聞廣東瘴地厚自愛母貽父母憂奉
養吾分也後安童以事謫卒配所李哀毀幾絕舅尋
得啞疾姑亦多病室如懸罄李
勤紡績資養舅姑俱以天年終

應鳳姑

建寧縣人邱伯春妻年二十伯春卒鳳姑自投
於江鄰婦救之起取刀斷右手中指置伯春懷

中以已衣為殮既葬旦夕號哭墓
前曰君有靈速邀我果得疾卒

朱氏

建寧縣人李寅妻寅早夭寅兄嫂亦相繼亡朱與
叔妯相依踰三年叔死與妯黃冰藥共天黃又卒

子傑甫二歲氏鞠之如所生父母諷其再醮氏曰不念李家一綫緒耶抱傑大慟卒不可奪

王氏

名淑建寧縣人廖大器妻方娠而大器夭舉女舅姑遣之嫁王以死自矢旦暮拂拭巾履硯席若夫

乍出而候其歸者久之李如余舉子余病篤屬其子於王王斥裝買山窆器虛右以待已徙余如附已右焉

朱氏二節

建寧縣人一名洋朱伯宗女一名莊朱伯義女祥年十八歸同邑甯宗珮鄧茂七亂珮率

民兵往遏之被執而死祥親詣死所與尸以歸撫其遺腹女獨居莊歸永城黃瑞瑞丁卯鄉薦會試卒於京莊時年十九聞計哀毀拒抵家號觸欲絕族人力解乃已亦生一女俱以節終

李氏

名翠娘泰寧人施必甫妻年二十甫卒家貧李拮据紡織以奉翁姑撫孤成立

曾氏

名纓娘泰寧人吳衛妻三載而寡家貧兩孤俱在襁褓曾竭力以奉舅姑育二子始終一節

危氏

光澤人名瑄娘王天實妻夫亡無嗣甘守苦節撫姪承繼始終如一

黃氏

光澤人諸生王錫妻年十九錫卒守節終身

官氏

名美娘光澤人曾約妻甫期而寡遺腹生子天志不嫁孝事老姑督兒孫成立年逾八旬

鄭氏

名淑娘邵武人盛文昱妻年二十三而寡撫二子二子繼歿同長婦黃足娘苦守以節終

徐氏

名觀娘邵武縣人鍾彌皋妻年二十六撫育二孤始終一節年八十六卒

蔡氏

名康娘邵武人楊進提妻年二十二而寡子甫六歲誓不再醮卒年七十六

邱氏

名榮娘邵武縣人何佛保妻年二十四而寡子二歲天志撫孤年六十一卒叅政謝燦有贊

丁氏

邵武縣人庠生上官阜妻阜卒丁年二十四生子祿未及週勵志守節撫教有成年六十二卒

吳門二婦

程清娘邵武縣人吳衍妻娣奴也並以節著庠生吳衍妻娣奴也並以節著

周氏

名鳳娘邵武縣人楊容妻容死周年二十七遺腹生子守節終身

龔氏

名杏娘邵武縣人鄭瑞妻瑞卒龔年二十八無子苦守不二卒年七十一

黃氏

名圓娘邵武縣人鄭玉妻年三十而寡撫子亨遊郡庠亨又卒守節五十餘年

李氏

名榮娘邵武縣人傅長遠妻年二十而寡依父母以居始終一節

黃氏

名妙端邵武縣人衛指揮僉事李榮妻榮邁疾黃到股和康以進疾廖鄉人稱之

李氏

邵武縣人堯一言妻年二十一言卒甘貧砥節撫子世美舉於鄉尋卒媳羅與姑同操

龔氏

名住娘郡諸生張揖妻年二十而寡奉繼姑孝撫遺孤底於成立

鄭氏

邵武縣人庠生王時雨妻年二十四時雨卒二子方幼鄭天志不二舅姑及祖舅姑繼歿營葬盡禮

撫孤及孫至於有成

王氏

名秀娘光澤人官世慎妻世慎隨父任卒台州氏哭不絕聲兵部尚書譚某守台時知其賢及巡撫

閩中以禮葬之

王祥娘

光澤人黃應斗妻年二十而寡緝蠶易食以奉姑嫜嚴督孤子至於成立閭里欽之

上官氏

光澤人黃朝鉉妻年十八夫死天志撫孤義不冉適子甲長入於庠以孝稱邑令王道焜上其

事旌節立坊

丘門三妾

邵武縣人范氏熊氏林氏夫雄於貲有行誼卒時遺二孤宗戚無可依者熊撫孤范會計

賦役林綜家政

郡人謂之三貞

章氏

名秀娘邵武縣人王椿妻椿十七患瘋疾父章春欲離婚椿椿父母將許之氏泣告其父曰兒命所致

又誰怨且聞烈女不更二夫遂自縊以救甦後子歸扶持三年而椿疾愈乃斥奩裝勤紡織以資椿讀為

聞人生子煇任青陽訓導乞歸養氏年八十餘卒

虞氏

邵武縣人王鈞妻幼涉經傳年二十餘而寡嘗書以見志云婦人四教無一可虧婦德缺則行誼乖

婦言輕則辭令慢婦功墮則織紉荒時有豪家謀娶虞以死自誓隣居失火將延及虞仰天號哭條爾反

風人以為

貞節之應

丘氏

邵武縣人陳鎬妻鎬死於兵氏年二十二計聞奔赴死所取屍函殖歸葬遺腹生子撫教成立孀居

五十餘年

金氏

邵武縣人鄭東海妻年十九而寡遺腹七月東海將死與金訣曰生女可勿育生男侍三年後付祖

母撫之汝可改適金勵志守節奉養舅姑教子成立年九十九卒山西道御史陳一元以詩弔焉

吳氏

邵武縣人年十七歸羊懋懋故前室遺一子震吳撫如已出有利害震家者通吳改嫁吳抱震號天取

刀截髮以死自誓震補弟子員氏年六十二

謝氏

邵武縣舉人王錫繼室錫歿謝年二十七矢志事姑杜門不出撫前室子如已出教子文洽由貢司

諭大田始終一節

王氏

邵武縣人廣西融縣尉王禧女歸羊國用八月而國用卒氏年十八遺腹生子有望孤苦伶仃矢志

不

周氏

邵武縣人杜鍾英妻年十八子方晬英致哀毀幾絕誓不再適養姑教子孀居四十餘年

吳氏

邵武縣人監生羊國器妻年二十一而寡奉姑孝撫庶子如已出一節終身

陳氏

邵武縣人王价妻年十六价卒孤方在襁褓殤晦處深閨竟全其節

葉氏

邵武縣人李宜雨妻年二十二宜雨卒氏誓死守節遺孤二撫養課習歷年八旬

何氏

邵武縣人監生王文冲妻年二十五而寡侍姑病不解帶常患瘧痢疾瀕危不就醫診脉教子以義

方

朱氏

邵武縣人張大綬妻年二十五夫卒幾不欲生以子幼姑老遂忍死守志姑病叩天願以身代撫孤

嚴肅至

於成立

俞氏

建寧縣人黃孟妻年十八而寡遺腹一子舅姑欲使再醮氏曰為婦而二其夫無恥孰甚苦守撫孤

養舅姑以

天年終

吳氏

名鳳姑建寧縣人父祚鉛山司訓幼時教以列女傳及長頗通書史年十八適宋存禮二十而存禮

亡以節終

何氏

名長娘建寧縣人李奇夢妻年二十四夫亡無子氏旦夕號慟誓不再適撫姪希愷為嗣孀居四十

餘年始終無玷

范氏

名鸞娘建寧縣人楊彥八妻年十九夫亡撫子于夫宗戚欲奪其志不從竟以節終

楊氏

建寧縣人李奇雍妻嫁期年夫故無嗣舅姑憐其少使自圖氏泣曰此足更可履他人門乎乃擇夫

兄子宏為後撫教之宏卒二孫幼楊與媳黃氏同心苦守人稱雙節

謝氏

建寧縣人李希周妻年十九夫亡撫伯氏子偲承桃孀居五十餘年卒

黃氏

建寧縣人監生余秀妻秀死黃天節撫孤孀居三十餘年

汪氏

建寧廩生廖傑妻傑故汪年二十三無子以姪潤後其夫孀居六十餘年潤事汪亦以孝聞

羅氏

泰寧人江寬妻年十八而寡無子日懸夫像每食必奠五十餘年未嘗見齒

高氏

建寧縣人黃淵妻淵歿高年二十五男梗三歲誓死不嫁先是火延黃居淵外出父柩在家室人咸

走高撫柩慟哭烈
焰自滅鄉人異之

朱氏

名俞娘建寧縣人姜自泰妻年二十三而寡撫孤守節不移其志卒年八十七

李氏

名容娘建寧縣人諸生徐世學妻年二十五夫死欲殉其母曰舅姑垂白待汝養孤方覩待汝鞠汝

可死乎乃止孀居四十餘年臨終囑曰我生平守節不敢一露面幸全歸諸子婦親殮我無假手他婦人

何氏

名有娘建寧縣人庠生謝國徵妻年十九夫亡悲泣損一目事舅姑盡孝撫繼子底於成立

余氏

名京娘建寧縣人黃燭妻年十八而寡遺孤四十一日氏矢志奉姑撫孤成立孀守五十餘年

何氏

建寧縣人王寵妻未歸時寵病瘋父母有他志氏固請歸侍湯藥寵死氏號泣欲殉家人防之得免

家如懸磬日夜紡織以資贖
將毀容匿跡孀居三十餘年

余氏

名順娘建寧縣人庠生廖士倫妻年二十四而寡氏哀痛幾絕忍死守志撫子用賢長入邑庠姑病

叩天願以身代年六十一

廖氏

名足娘建寧縣人王約妻約歿年二十孝事翁姑撫孤揀入庠督學旌表其門

孔氏

名廷娘建寧縣人丁貴鼎妻夫亡孔年二十八夫志孀居敬奉公姑撫二子士濂士濬五世不分居

辛年九十七

李氏

名未娘建寧縣人張紳妻年十七夫歿紡織養姑撫子以節終祀風教祠

黃氏

名足娘建寧縣人適光澤李子春春歿黃年二十誓無他志孝養舅姑撫子成立

何氏

名金娘光澤人彭仲弼妻年十九而寡誓不再適貌孤伶仃孤苦紡織自給人無間言

徐氏

建寧縣人黃燧妻年十九而寡以從子都承嗣貞靜端淑孀居五十餘年

艾氏

建寧縣人丁兆祥妻事姑至孝以已乳乳姑撫猶子如已子族黨重之

湯氏

名桂娘建寧縣人余萬祚妻年十八而寡為夫守節撫繼子無異所生孀居三十五載始終無玷

黃氏

建寧縣人謝朝銘妻年二十五而寡孀居苦守親鄰有助以薪米者力辭不受撫子成立卒年八十

三

甯氏

建寧縣人范永選妻年三十夫死遺孤有用氏苦守撫誨見孫嘉猷遊庠年踰七十卒

聶氏

泰寧人適杜某夫歿年二十二遺腹二月生子華誓不再適事姑鞠子孝慈兩盡卒年五十有八

以上節孝

宋

龔氏二女

邵武縣人父慎儀開寶初守歙賊盧絳脅慎儀慎儀拒罵舉家被害擄二女以行至邵武

王堂香巖寺絳置酒恣飲二女遂縊於寺後之小墩後人名其死所曰烈女臺去臺百餘步有雙塚焉

葉氏二女

泰寧人紹定間寇亂二女與其嫂義不受辱結衣裾赴溪死邑人為立三潔祠

元

黃氏

泰寧人元實之女至正十三年鄉惡少為亂邑令延元實咨討賊計賊奄至元實遇害黃氏被髮跣

足奔父死所抱屍哭賊欲犯之氏罵曰恨不生啖汝肉尚敢為不道罵不絕口亦遇害

危氏

光澤人邱未溫妻至正二十年盜陷杉關氏被執罵不絕口夫婦俱遇害

李氏

光澤人上官成一妻至正末江西寇陷光澤邑民保烏石山之玉龍宮隣寇乘機入山剽掠李被執

驅迫以前行經龍床石崖壑深數

百丈李力曳繩與賊俱投而死

陳氏

光澤人危萱妻至正末寇陷杉關驅掠男女柵於里之金靈山既盡殲之遂及於萱陳罵曰強盜汝

殺吾夫恨不殺汝亦被害于愷年七歲抱父母屍不起賊義之攜而去

明

饒氏

名紅姑邵武縣饒禮生女許字同里黃黑未歸而黑殺紅姑聞計持服如制既聞父欲嫁之堅不從

父強受聘紅姑不言潛縊死

李氏

光澤人諸生上官亮妻時值寇亂偕夫避居西鄉隣寇哭至家人覓筏渡河登筏而寇集氏恐為所

執投
水死

聶氏

名攀姑光澤人李雲漢妻年十八歸李數月遇亂
避居西鄉寇至被執氏不肯行賊砍之氏厲聲曰

頭可斷身不可辱也
連砍十一刀而死

杜氏

名全泰寧人李祥妻正統間避寇獅子崖為寇所
執欲犯之全曰請就崖穴隱辟處及崖抱幼子投

崖而
死

徐家二婦

泰寧人一王氏夫曰存一江氏夫曰忠正統
戊辰同避寇於里之掃帚寨預相謀曰萬一

危急有死而已寇果至王抱幼女投崖江繼之
俱死江子福昭懸崖樹間得活存徐氏之桃

無名氏

泰寧人沙尤之亂舉鄉避寇於里之登雲寨為
寇所襲賊悅氏色欲擄之去氏抱子投崖而死

至隆慶間有里人營菟裘於其地取石崖下見其屍手仍抱子顙面如生頃乃隨風而灰

官氏

名異香建寧縣人官祥女夫其夫名氏姑遣惡少聞入婦室欲併亂之氏度難自完遂經而死

楊氏

名玉英建寧縣人涉獵書史善吟詠年十八許配官時中既聘時中家中落父母遂悔前盟改受黃

盧山聘玉英聞之囑其婢曰吾篋有荷包布襪諸物異日以遺官官人婢弗悟諾之竊入寢室自經死目不瞑時中聞訃具禮往祭以手摩之遂瞑婢出所欲遺時中物付父母誓之有詩云崑山一片玉既售與卞和和足苦被則玉堅不可磨若再付他人其如平生何

姜氏

名辛姑適建寧縣父仲魁正德庚午寇亂姜年十九被執眠悅其色欲污之氏紿賊曰前水碓隱處

也至水次遂投死屍三日不流寇退仲魁始收殮面色如生

施氏

建寧縣人朱建妻年二十四有殊色嘉靖間寇掠氏欲汚之觸石破頭罵聲不絕更擲石中賊賊怒

擊死之橫槩貫腹礫屍而去

以上貞烈

國朝

王氏

邵武縣人何天根妻天根蚤夭無子氏毀容去飾親戚罕見其面以全節終

廖氏

建寧縣人范應寬妻二十而寡無子邑中大姓欲委禽焉或勸之泣曰誓為夫守此未亡身閉戶苦

守足不踰閭者五十餘年

余氏

邵武縣人黃履香妻二十九而寡遺孤二長九歲次甫週翁姑年髦氏矢志孀守撫夫三歲孤姪恩

勤如已子翁姑卒喪葬盡禮長子金鉉登賢書氏年八十卒

上官氏

邵武縣人朱榮妻生子致三歲榮客死氏年二十五扶柩歸葬誓死守節足不踰閭年八十六

辛

朱氏

邵武縣人江鵬妻年二十八鵬死遺孤一家貧姑勸其他適氏哭曰婦道從一而終何忍再醮孀守

撫孤四十
年如一日

龔氏

邵武縣人何喬妻年二十四而寡夫志不
二孝事舅姑鞠遺孤廷鍾守節五十餘載

謝氏

邵武縣人庠生馮至妻年十九夫歿孤甫週勵志
守節不出閨門食貧茹苦教子成立年五十三卒

吳氏

邵武縣人諸生王薦妻年三十而寡子璋彌月
孀居苦守撫教有成子入成均年八十一卒

朱氏

邵武縣人庠生王道永妻年二十六夫夭子復錫
氏為夫立後奉姑孝謹與姪婦陳氏苦守年八十

辛 八

符氏

邵武縣人李士龍妻龍客死氏年十八家貧無子舅姑勸再醮氏不從事翁姑以節終

周氏

邵武縣人李朝宣妻年二十二宣歿奉翁姑撫孤兒日夕紡織六十年如一日

丘氏

邵武縣人李珙彰妻生子彌月彰死氏年二十九忍痛撫孤歷十六載而歿孤復天鄉隣哀之

楊氏

邵武縣人陳元夫妻年十八夫死遺腹生男懿典氏食貧守節育子成立甲寅之變家產蕩盡勵操

彌堅年五

十五卒

宋氏

名雪姑邵武縣人許字何肇暉暉死雪姑年十六至夫門哭而殮之遂留奉舅姑舅歿姑貧勸之再

適不從苦節十五載而歿

聶氏

邵武縣人李如璋妻年十九歸李翁亡夫繼歿氏年二十一遺腹三月室如懸罄有三孀姑在堂氏

堅守奉姑訓子成名孀居三十

年康熙五十二年旌表

謝氏

邵武縣人王澄妻年二十一適澄生一子夫亡夫志不二事翁孝翁病藥必先嘗及歿竭力襄事撫

孤成名孀居三十六載雍

正三年旌表入節孝祠

陳氏

邵武縣人王道峻妻年二十四夫亡子甫週家貧甚氏苦節事姑姑病衣不解帶姑歿子夭陳夫志

彌堅壽八十有五雍正

三年旌表入節孝祠

林氏

邵武縣人黃蘭若妻年十九歸黃兩載夫亡欲殉之翁姑與祖母翁姑泣曰婦有遺孕何忍絕吾嗣續

乃不死屆期生男翁與祖母俱歿夫弟方週歲氏撫

孤并夫弟成立歷節三十餘載雍正三年旌表入

節孝祠

蘇氏

邵武縣人馬鳴世妻二十九而寡子甫週夭節撫育三十餘年雍正三年旌表入節孝祠

鄧氏

邵武縣人庠生葛葵妻年十八于歸七載夫亡遺孤長三歲次彌月氏孀守鞠育無撫孤姪事舅姑

克盡孝道歷節三十五年雍正六年旌表入節孝祠

徐氏

建寧縣人吳以潤妻湘遊荆襄客死氏年二十五年苦守五十五載雍正六年旌表入節孝祠

危氏

邵武縣人朱晉妻年十八適晉九載而夫亡遺孤二氏勵志苦守事兩孀姑撫二子成立孀居四十

載雍正七年旌表祀節孝祠

葉門三婦

張氏黃氏李氏俱泰寧葉之旭妻妾也旭卒長子寅芳年六歲黃出次子程芳年二歲三

子沐在娠俱張出張黃年俱二十六李年三十二無
出同心守節撫子有成李年八十四卒張與黃年皆

七十五人
稱三節

李氏

泰寧人江白龍妻十八歸江舉一子江父振鵬以
辛酉舉人歷仕桂林鄆守寇入廣路不通龍欲趨

廣省父陰有殉難之志氏出奩資以佐其行預訣曰
子殉父而妻宜殉夫但有子在倘不諱死守立孤耳
後龍與父以不屈死難訃至氏毀
容孀守以節成孝年五十三卒

鄒氏

泰寧人陳祖虞妻虞夭無子氏年十八孀守足不
出閭止一婢供薪膳親族不接見者四十餘年

李氏

泰寧人丁正高妻年十九歸丁生一子應松二
十五而寡上事繼姑下撫孤兒年五十七卒

鄒氏

泰寧人廖廷家妻年二十三而寡遺孤三
家貧甚晝夜紡織供食苦節三十九年

李氏

邵武縣人丙午解元蔡奎妻年三十夫喪子幼氏奉姑撫子庭無間言年六十三卒

張氏

邵武縣庠生吳圖南妻年二十四南卒氏堅心守節遺孤二長熙娶婦謝次勲娶婦李熙卒謝同姑

守節勲入庠復天李同姑娉共守撫男世琳娶黃氏世琳年三十死黃年二十九撫孤守志三世四孀鄉

之人憐

李氏

邵武縣人張颺妻年二十颺卒無子氏足不踰閭者三十餘年

黃氏

邵武縣庠生梅奇芳妻年二十九奇芳歿無嗣苦節自勵三十餘載

何氏

邵武縣人黃華宸妻年二十四而寡遺孤三歲撫字成立娶媳萬氏而子又夭萬與姑同操冰霜自

持三十
八年

黃氏

邵武縣人朱蓄妻年二十四夫亡氏鞠孤兒備嘗艱苦三十餘載

聞氏

邵武縣人鄭廷銘妻年二十九銘卒家徒四壁氏忍死撫孤長娶官氏復天姑媳同心共撫一孫苦

節異常孀居

三十五年

李氏

名興娘邵武縣人余繼妻年二十三夫歿撫孤守節歷三十五載

吳氏

邵武縣庠生徐汝揖妻年十六歸徐五載夫亡孤復殤氏以死自誓投繯者數家人哀其志為之立

繼乃忍死守節紡織

度日孀居三十八年

樂氏

邵武縣人吳文明妻年十九夫喪天節奉姑撫二孤後皆成立卒年八十六

李氏

邵武縣人張夢獻妻年二十而寡毀容屏處孤復天家貧苦守毫無怨悔卒年七十

馬氏

邵武縣人丁繼蘭妻年二十歸丁生二子夫歿翁姑以其少年難守氏曰婦雖女流頗識大義豈肯

易志凜然自持三

十六年如一日

饒氏

泰寧人王憑雲妻夫歿氏年二十三家貧無依遺孤二誓不更適壽八十三

鄒氏

泰寧人庠生江東彥妻年十九夫歿無子父母勸再醮氏剪髮自誓孝事翁姑壽七十九

吳氏

泰寧人庠生江南條妻年二十夫死遺孤二歲氏冰霜自持四十餘年

張氏

泰寧人葉武鳳妻年二十七而寡遺孤二所親憐其貧勸再適氏天志課子皆底有成

江氏

泰寧人楊其厚妻蚤寡會歲疫夫兄弟婦姒相繼歿氏卯育諸夫姪與已子無異臨卒猶囑其子登

為諸弟婚娶後乃可分
幾諸姪皆為持喪三年

廖氏

泰寧人表詔妻孀居五十五年家貧苦節教子有成

江氏

泰寧人李自樹妻年二十八而寡夫志靡他足不踰閭者二十餘年

雷氏

泰寧人葉之秀妻夫卒氏年十八夫志堅守苦節六十餘年壽八十

黃氏

建寧縣人李嘉賓妻夫卒氏年二十八遺孤一氏誓不再適勤織紵以事公姑年八十

楊氏

建寧縣人余世泰妻年二十七夫死遺孤二俱幼氏紡績鞠育子兄臧孫懋正俱遊庠卒年八十

廖氏

建寧縣人謝德澄妻年二十八夫卒媵范氏年二十一遺孤二冰槩相依同心共守廖年六十一卒

范七
十卒

萬氏

建寧縣人鄔郊妻二十二而寡未有出為夫立後以繼宗祀艱貞苦守五十餘年

甯氏

建寧縣人席廷銓妻年十七嫁逾年而夫歿氏矢志靡他孝事翁姑慈撫孤子苦節四十九年

謝氏

建寧縣人朱國材妻年二十四寡兩孤在襁氏誓不再適孝養孀姑堅貞守節至六十九歲卒

王氏

建寧縣人庠生黃守瓊妻年二十夫卒姑老無依勤十指以供奉養擇嗣承祀艱苦守節

吳氏

建寧縣人應大弘妻年十六寡遺孤一月氏堅貞守節鞠養孤子卒年七十七

李氏

建寧縣人余春山妻夫歿氏年二十三遺孤二家貧苦守孝事翁姑勤紡績以供饋粥始終一節

金氏

建寧縣人謝國輝妻年二十二而寡遺孤八月氏誓死靡他晝夜織紵以供衣食苦節四十二載

黃氏

建寧縣人廖玉鉉妻年二十八夫亡孤在襁氏矢志柝舟撫教孤子代父營葬先世祀節孝祠

宋氏

光澤人官加相妻年二十夫歿苦節二十七載

李氏

光澤人危經元妻年二十六夫故姑養子甫週氏乳姑撫兒孝慈備至苦節四十二年

龔氏

名菊娘光澤人適饒上祝二十二而寡遺孤四月家徒壁立氏撫孤既長復天又撫兩孫守節四十

載

李氏

名兆喜光澤人廩生饒植妻二十五夫歿養姑課子艱苦備嘗守節三十三年

官氏

光澤人曾宗明妻年二十二夫歿遺孤二氏苦節課子足不履外庭者四十七年

黃氏

光澤人席應潤妻年二十三夫歿課子成立守節三十二年

沈氏

光澤人適郭子麟二十六而寡養姑撫子子瑒立嗣子艱辛四十五載卒

李氏

光澤人高思程妻年二十四夫死矢志撫孤成立守節三十八年

吳氏

光澤人周尚文妻夫歿氏年二十三養姑撫子守節垂三十年

林氏

光澤人李宗聖妻年二十四而寡勵志撫孤孀居三十四載

李氏

光澤人饒栢妻年十七歸李未週夫歿遺腹生子忍死撫之未幾以哀毀卒

鄧氏

光澤人夫姓名年二十二嫗居苦守歷六十七年始終不渝

龔氏

光澤人藍玉璽妻年二十四夫歿子幼孀守三十二年以上節孝

陳氏

名炫邵武縣人諸生江亘南妻順治十二年山賊起剽掠擁氏以前氏不行賊強負之乃咬賊耳賊

怒斷其喉
時年三十

黃氏

邵武縣人虞潤四妻順治間江寇入境氏為所掠堅不受汚抱子投池死後月夜常見一女亭亭立

池上
云

高氏

邵武縣人陳周四妻順治間為亂兵所擄投水而死屍浮出面如生

王門二婦

李氏王家政妻楊氏王家祚妻皆莆田人家於建寧縣三世二氏皆蚤寡同處一樓樓跨

城臨溪順治戊子城破李謂楊曰勢如此吾兩人豈可見賊而死乎遂各結束從樓上投淵而死

劉氏

建寧縣人王嘉勲妻順治間避寇山鄉為賊所得小婢見其有孕勸劉妻蛇翼得婉劉曰身為所污雖有孝子慈孫不能湔濯寧一死以報吾夫遂投繯死

吉氏

建寧縣人饒傑妻戊子寇將入城氏令夫避自經於堂上寇至嘆愕全其家不掠

李氏

建寧縣人謝顯之妻戊子城破自經死

張氏

浙江龍游人縣丞徐時賢妻隨夫宦於建邑戊子城破投井死祀風教祠

廖氏

建寧縣人庠生甯天行妻歸甯時年十四生子名樸戊子寇變廖泣謂天行曰勢迫矣君請行毋顧

我天行攜子避寇廖遂自盡後寇毀門入見之驚仆而去越五日就殮顏色如生

陳氏

建寧縣人庠生徐必發妻戊子城破寇入其室陳叱之投井而死幼子懋恥擗踴痛絕亦奮身溺井

同死里人謂母以節捐軀子以孝從井一門之中節孝並著

何氏高氏

建寧縣人何適廖禍高適謝復亨俱以戊子變亂一自縊死一投池死

艾氏

建寧縣人曾連妻庠寅兵至南鄉艾與其姑蕭氏俱被擄婦給兵曰汝釋我姑我願從汝兵許之攜

艾而行至陳坪艾投深潭死屍流至合水口殮於墓馬

李氏

名長娘建寧縣人劉國平妻年二十喪夫育一子辛卯為賊所掠欲污之氏紿賊曰屬目之地謂羞

恥何賊喜釋其縛偕行至楚上三嶺過石橋遂投崖死

李氏張氏汪氏

光澤人李為諸生廖愈達妻張氏汪氏其妾也丙戌間同避兵於石輞南石砦

三婦皆殊色相誓不污李先赴巖死達又攜二妾他奔為兵所瞰張亦死達買令箭自護汪告達曰君得令箭可全生以奉舅姑妾恐身辱乃投崖而死邑令洪濟以詩弔之曰雪質與水腸三婦同一旨李氏以死倡張汪乃繼委至今猶烈烈石輞貞魂峙

郭氏

名正玉光澤人許嫁何國權未歸而權故玉奔喪哀慟拜語其舅曰玉生為何門人死為何門鬼矣

歸省母有慰之者玉戚然曰我旦暮求一死古婦禮進年藥於舅姑我且理之數日獻於舅至晚投繯死

與夫
合塋

梅氏

名庚娘邵武縣人萬紹祖妻丙辰寇亂隨夫避寇遇羣寇艷其色以及挾之罵不絕口遂遇害賊挈

其首以行雙睛猶能轉動懼而棄之夫從賊營歸殮其屍已七日矣顏色如生

吳氏

邵武縣人符宗仁妻值兵變氏年二十賊入室艷其姿欲迫之氏堅不受辱持剪刀刺喉死

陳氏

邵武縣人宋大雄妻年二十于歸兩載夫病氏籲天願以身代復割股以進夫亡即欲死殉家人防

之日夜哭泣迨百日死志益堅穿嫁時衣拜別父母翁姑遂裂帛自盡

應氏

邵武縣庠生黃覺軒妻歸黃三載黃赴省鄉試墮水死氏痛不自勝即欲投繯家人力阻久之防稍

懈自經房中
時年二十三

葉氏

建寧縣庠生張祈妻祈父可仰司鐸建邑祈遂入

潰弗治夫歿誓死相從作書別母檢服飾分遺諸親絕粒一月而歿時康熙壬寅七月也當殮貌如生祀

祠風教

蔣氏楊氏

蔣氏邵武縣諸生謝光惠光瑛母楊氏即蔣氏媳光瑛妻也康熙十五年十月耿逆兵變

入室脅二氏去蔣氏先赴池死楊氏亦隨投池中

李氏

泰寧人適庠生江履避亂母家寇至欲污之不從被殺

蕭氏

泰寧人朱子長妻寇亂把幼子避於椒坑被執給寇同行授夫以子令抱之遇深池自投而死

黃氏

泰寧庠生蕭漢蓁妻年二十三避寇南石砦砦破氏投巖死同時投崖者馮肇先妻楊氏

鄒氏

泰寧人謝某妻為寇所執不從裂襟縊林中子應傑婦楊氏亦自經死

李氏

泰寧人庠生謝九陞妻寇且至九陞弟呼婢偕行氏正色曰叔速避毋以我為累遂自沉於淵

丁氏

泰寧人童光美妻為寇所獲欲污之氏罵不絕口復以兵脅之終不屈遂被害

何氏

將樂人適泰寧林聶齊齊為虎所噬氏招隣人追之得夫屍以所服白衣拭夫血殯畢出私蓄以供

裴氏

事分所餘於親屬服血衣自經於寢

袁氏

泰寧人蕭明廷妻丙戌寇亂避於南石寨寇至被執氏投池而死

以上貞烈

福建通志卷五十八